



Ysgol Gwyddorau  
Milfeddygol Aberystwyth

---

Astudiaethau israddedig mewn

# Gwyddorau Milfeddygol

---

# Cynnwys

Croeso	t.1
Cyfleusterau	t.2
Ein cyrsiau	t.4
Ymchwil	t.10
Sut i wneud cais	t.12



## Croeso

Croeso i Ysgol Filfeddygaeth Aberystwyth - yr Ysgol Filfeddygol gyntaf o'i bath a'r unig un yng Nghymru.

Fel rhywun sy'n angerddol am hyfforddiant milfeddygol a'r rôl y gall y proffesiwn milfeddygol ei chwarae mewn cymdeithas, nid yn unig yng Nghymru ond yn fyd-eang, fe'ch gwahoddaf yn gynnes i ystyried astudio gyda ni.

Mae ein gradd Baglor Milfeddygaeth (BVSc) yn cynnig cyfle unigryw i hyfforddi mewn dau sefydliad addysgol a gwyddonol blaengar: y Coleg Milfeddygaeth Frenhinol a Phrifysgol Aberystwyth.

Sefydlwyd Prifysgol Aberystwyth ym 1872, ac ers canrif a hanner bu'n darparu ymchwil arloesol ym meysydd Gwyddorau Amaethyddol, Anifeiliaid a Biolegol.

Y Coleg Milfeddygaeth Frenhinol, a sefydlwyd ym 1791, yw'r ysgol filfeddygaeth annibynnol fwyaf a'r hynaf ym Mhrydain, ac y mae'n Aelod Sefydliadol o Brifysgol Llundain.

Yn ôl cynghrair QS o Brifysgolion y Byd, sy'n barnu fesul pwnc, hi yw ysgol filfeddygol flaenaf y byd.

Mae'r darlithwyr ym Mhrifysgol Aberystwyth a'r Coleg Milfeddygol nid yn unig yn ymchwilwyr a chlinigwyr ar lwyfan byd-eang, sydd yn llwyr ymroddedig i'w meysydd; maent hefyd yn weithwyr proffesiynol hynod gymwys.

Mae ein gradd nyrsio milfeddygol, sydd newydd gael ei hachredu, yn ymgorffori Sgiliau a Chymwyseddau Diwrnod Cyntaf Coleg Brenhinol y Milfeddygon ar gyfer Nyrsys Milfeddygol ochr yn ochr â phynciau nyrsio milfeddygol cyfoes.

Os ydych chi'n angerddol am Filfeddygaeth, beth am ymuno â ni ar Ddiwrnod Agored i gwrdd â'n staff a gweld ein cyfleusterau addysgu ac ymchwil rhagorol. Cewch gyfle i ddarganfod beth sy'n gwneud Aberystwyth yn lle mor arbennig i fyw a dysgu.

**Yr Athro Darrell Abernethy**  
**Pennaeth Ysgol Filfeddygaeth Aberystwyth**

THE SUNDAY TIMES  
THE SUNDAY TIMES

**CANLLAW**  
**PRIFYSGOLION**  
**DA**  
**2026**

PRIFYSGOL Y  
FLWYDDYN AM  
GYNALIADWYEDD

### Gwybodaeth bwysig

Roedd yr wybodaeth a gyhoeddir am y rhaglenni gradd yn y llyfryn hwn yn gywir pan anfonwyd y ddogfen i'w hargraffu (Mehafin 2026), ond fe allai newid. Cynghorir darpar fyfyrwyr i edrych ar ein gwefan i gael yr wybodaeth a'r manylion diweddaraf am y cwrs, gan gynnwys ein gofynion mynediad, cyn gwneud cais, er mwyn bod yn sicr fod y cynllun yn addas i'w gofynion.

# Cyfleusterau

## Canolfan Addysg Milfeddygaeth

Mae'r Ganolfan Addysg Filfeddygol wedi'i lleoli ar Gampws Penglais, lle ceir ystafelloedd ar gyfer sgiliau clinigol a hyfforddiant ar drin anifeiliaid anwes, yn ogystal ag adnoddau dysgu anatomeg a manau i'r myfyrwyr drafod ac ymbaratoi cyn dosbarthiadau.



## Canolfan Geffylau'r Lluest

Mae'r Ganolfan Geffylau yn gyfleuster addysgu pwrpasol a Chanolfan Hyfforddi a Gymeradwywyd gan Gymdeithas Ceffylau Prydain (BHS). Mae'r cyfleusterau'n cynnwys arena dan do o faint rhyngwladol, ysgol awyr agored, man cerdded ceffylau a chorlan gron, blychau rhydd a blychau arddangos a set gyflawn o glwydi neidio a llenwyr.

## Ffermydd y Brifysgol

Mae ffermydd y brifysgol sydd wedi'u lleoli yng Ngogerdan (fferm ddefaid a chig eidion), Morfa Mawr (tir pori isel), Trawsgoed (fferm laeth) a Phwllpeiran (ucheldir) yn ymestyn i gyfanswm o dros 800 hectar, ac yn amrywio o 0-600 metr uwchlaw lefel y môr.



## Pwllpeiran

Mae Canolfan Ymchwil yr Ucheldir, Pwllpeiran yn ganolfan ar gyfer astudio ecosystemau ucheldirol sy'n cael eu ffermio. Saif yng nghalon mynyddoedd y Canolbarth ac yn gartref i ddiadell o alpacas.



## Fflug-glinig Milfeddygol

Agoredd ffug-glinig milfeddygol newydd yn swyddogol ym Mhrifysgol Aberystwyth wrth i'r unig ysgol filfeddygaeth yng Nghymru ehangu. Mae gan y clinig newydd manau aros, archwilio a thrin, ynghyd â'r offer angenrheidiol ar gyfer trin anifeiliaid bach.

# Gwyddor Milfeddygaeth

33% ar gael drwy'r Gymraeg

**RVC** Royal Veterinary College  
University of London

BVSc (Anrh) | D105 | 5 mlynedd

Mae'r radd Baglor Milfeddygaeth (BVSc) yn cynnig cyfle unigryw i hyfforddi mewn dau sefydliad addysgol a gwyddonol blaengar: y Coleg Milfeddygaeth Brenhinol a Phrifysgol Aberystwyth. Mae'r cwrs newydd cyffrous hwn yn cyfuno arbenigedd gwyddonol a chlinigol o'r ddau sefydliad i roi hyfforddiant milfeddygol eang i fyfyrwyr, o wartheg i anifeiliaid anwes poced, o ymarfer clinigol i ddiwydiant, ac o iechyd anifeiliaid i iechyd y cyhoedd.

## Cynnwys y Cwrs

Trefnir yr addysgu yn 'ffrydiau'. Dychwelir at y ffrydiau hyn yn aml, gan ganolbwyntio i ddechrau ar yr anifail iach, a symud ymlaen trwy glefydau gwahanol systemau, a sut i'w harchwilio a'u trin. Bydd hefyd ffrydiau sy'n canolbwyntio ar yr wyddoniaeth sylfaenol ac effaith clefydau anifeiliaid ar iechyd y cyhoedd.

Yn y ddwy flynedd gyntaf byddwch yn treulio eich amser ym Mhrifysgol Aberystwyth, yn astudio bioleg sy'n sail i filfeddygaeth, yn meithrin sgiliau sylfaenol wrth drin anifeiliaid fferm, ceffylau, ac anifeiliaid anwes, yn ogystal â datblygu eich dawn gyfathrebu, datrys problemau a gweithio mewn tîm. Mae gan Brifysgol Aberystwyth hanes hir o ddarparu addysgu ac ymchwil ar iechyd anifeiliaid ac mae'r brifysgol wedi ymrwymo i addysg o'r radd flaenaf.

Yn ystod y drydedd, bedwaredd a phumed flwyddyn, byddwch yn astudio ar Gampws Hawkshead y Coleg Milfeddygaeth Frenhinol yn Swydd Hertford, lle cewch gyfle i feithrin gwybodaeth a sgiliau ymarferol uwch mewn gwyddor glinigol, sy'n hanfodol ar gyfer cofrestru fel milfeddyg. Yn ystod y cyfnod hwn, bydd eich hyfforddiant clinigol yn cael ei gynnal mewn amrywiaeth o gyfleusterau clinigol y Coleg Milfeddygaeth Frenhinol a phractisau milfeddygol cysylltiedig, yn ogystal â chylchdroadau penodol ym Mhrifysgol Aberystwyth sy'n canolbwyntio ar faterion anifeiliaid cynhyrchu sy'n berthnasol i Gymru.

Mae gan y Coleg Milfeddygaeth dair adran academaidd a chlinigol eithriadol. Mae'r darlithwyr ymhob adran ym Mhrifysgol Aberystwyth a'r Coleg Milfeddygaeth nid yn unig yn ymchwilwyr a chlinigwyr ar lwyfan byd-eang sy'n llwyr ymroddedig i'w meysydd, y maent hefyd yn weithwyr proffesiynol arbennig o gymwysedig.

Ym Mhrifysgol Aberystwyth, bydd myfyrwyr yn elwa o ddefnyddio ffermydd eang y Brifysgol, Canolfan Geffylau Lluest a chyfleusterau addysgu eraill.



## Addysgu Ymarferol a Chlinigol Efrydiau Allanol Hwsmonaeth Anifeiliaid (AHEMS)

Ymgwymer ag AHEMS yn ystod dwy flynedd gyntaf y rhaglen. Mae lleoliadau AHEMS wedi'u llunio i'ch cynorthwyo i gyfnerthu'r hyn a ddysgoch am hwsmonaeth anifeiliaid, i ddatblygu sgiliau trin anifeiliaid, a dysgu am ddiwydiannau anifeiliaid. Rhaid cwblhau 10 wythnos o AHEMS cyn cael mynediad i drydedd flwyddyn y cwrs. Er mwyn datblygu gwell dealltwriaeth o anghenion y byd milfeddygol yng Nghymru, fe'ch annogir i gwblhau rhai o'r lleoliadau AHEMS yng Nghymru.

### Efrydiau Allanol Clinigol (ClinEMS)

ClinEMS yw'r cyfnod a neilltuir i ennill profiad clinigol ymarferol ym mlynnyddoedd olaf eich rhaglen filfeddygol, i ategu eich dysgu a'ch profiad clinigol. Trwy gyfrwng ClinEMS byddwch yn ennill profiad mewn amrywiaeth o sefydliadau gwahanol, clinigol a chysylltiedig â milfeddygiaeth, lle byddwch yn cadarnhau'r hyn a ddysgoch am ddiagnosis a rheoli clefydau anifeiliaid, yn gwella eich sgiliau clinigol ymarferol, ac yn cael gwell dealltwriaeth o'r ffordd y mae sefydliadau milfeddygol yn gweithredu.

Byddwch yn ymgymryd â lleoliadau ClinEMS ym mlynnyddoedd tri, pedwar a phump y rhaglen BVSc, sef cyfanswm o 20 wythnos mewn lleoliadau. Er mwyn cael gwell dealltwriaeth o'r milfeddygfeydd yng Nghymru, fe'ch annogir i gwblhau rhai o'r lleoliadau ClinEMS yng Nghymru.

### Cylchdroeon clinigol rhyng-golegol

Yn ystod dwy flynedd olaf y cwrs, bydd eich profiad clinigol yn canolbwyntio ar arsylwi, trafod a phrofiad ymarferol o fod yn aelod o'r tîm clinigol yn ysbytai'r Coleg Milfeddygaeth, ac mewn sefydliadau clinigol y mae'r Coleg yn bartner iddynt. Yn ystod eich cyfnod ar gylchdroeon, caiff eich dysgu a'ch dealltwriaeth eu hategu gan ystod eang o ddarlithoedd, seminarau a gweithdai.

## Ehangu Cyfranogiad

Mae Prifysgol Aberystwyth a'r Coleg Milfeddygaeth Frenhinol wedi ymrwmo i ehangu mynediad ac i groesawu ceisiadau gan fyfyrwyr o bob cefndir. Caiff cyrhaeddiad academiaidd ac anacademaidd ymgeisywyr ei ystyried gyda golwg ar gefndir economaidd-gymdeithasol ac addysgol, er mwyn sicrhau darlun cynhwysfawr o gyrhaeddiad a photensial ymgeisydd. Ewch i [www.aber.ac.uk/cy/vet-sci](http://www.aber.ac.uk/cy/vet-sci) i gael rhagor o wybodaeth.

### Cyflodadwyedd

Mae Coleg Brenhinol y Milfeddygon yn sicrhau ansawdd graddau milfeddygaeth y Deyrnas Unedig (DU) er mwyn gwneud yn sicr bod llawfeddygon milfeddygol yn gymwys i'r gwaith wrth raddio, ac yn ymuno â Chofrestr y Coleg (RCVS). Dim ond unigolion sydd wedi'u cofrestru gyda'r Coleg sydd â'r hawl i alw eu hunain yn llawfeddygon milfeddygol a, gyda rhai eithriadau, i weithio mewn llawfeddygaeth filfeddygol yn y DU. Mae'r Coleg Milfeddygaeth, Prifysgol Aberystwyth a Choleg y Milfeddygon yn cydweithio'n agos i sicrhau bod y cwrs BVSc yn cwrdd â'r safonau angenrheidiol, fel y gall Coleg y Milfeddygon roi achrediad cyflawn iddo yn 2026 pan fydd y myfyrwyr cyntaf yn graddio.

Mae graddedigion yn datblygu gwybodaeth wyddonol ddofn y gellir ei chymhwyso i nifer o lwybrau gyrfa, gan gynnwys milfeddygfeydd clinigol cymysg, milfeddygfeydd ceffylau, milfeddygfeydd fferm/da byw, ymchwil filfeddygol, iechyd cyhoeddus a pholisi milfeddygol, y diwydiant fferyllol, diogelwch bwyd a diogelu meddyginiaethau. Yn ogystal â hyn, ar ôl hyfforddi yn rhannol yng Nghymru trwy gydol y cwrs gradd, bydd graddedigion yn hynod addas i barhau â'u gyrfa mewn milfeddygfeydd neu sefydliadau milfeddygol eraill yng Nghymru.



## Modiwlau

Y ffrydiau sy'n sail i'r addysgu yw:

### O'r flwyddyn gyntaf i'r drydedd:

- Principles of Science
- Cardiovascular, Respiratory, Locomotor and Skin Systems
- Alimentary, Endocrine and Urogenital Systems
- Neurology, Ophthalmology and Special Senses
- Lymphoreticular and Haematopoietic
- Population Medicine and Veterinary Public Health (PMVPH)
- Principles of Veterinary Practice and Evidence-Based Medicine.

### Y bedwaredd a'r bumed flwyddyn:

Bydd y rhan fwyaf o'r addysgu yn y ddwy flynedd olaf ar ffurf cylchdroeon clinigol, lle byddwch yn gweithio mewn grwpiau bach yn rhan o dim clinigol.

Byddwch yn cymryd rhan mewn cylchdroeon rhyng-golegol a lleoliadau ClinEMS ar draws rhyogaethau a disgyblaethau. Byddwch hefyd yn ymgymryd â phrosiect ymchwil o'ch dewis eich hun.

## Ffeithiau Allweddol



### Cynnig nodweddiadol:

**Gofynion mynediad Safon Uwch:** AAA (gan gynnwys Biolog a Chemeg) a thrydydd pwnn na ddylai orgyffwrdd â Biolog na Chemeg, ar wahân i Astudiaethau Cyffredinol. I gael rhagor o fanylion ynglŷn â chynigion rhyngwladol a chynigion cyd-destunol, ewch i: [www.aber.ac.uk/cy/vet-sci](http://www.aber.ac.uk/cy/vet-sci)



**Cyfweliad:** Cynhelir aml-gyfweliad byr yn Aberystwyth yn rhan o'r broses ddethol



### Ffurflen atodol:

Yn rhan o'ch cais, mae angen ichi lenwi ein Ffurflen Atodol i Ymgeisywyr ar-lein. Bydd mwy o wybodaeth ar gael ar ein gwefan: [www.aber.ac.uk/cy/vet-sci/applicant-supplementary-questionnaire](http://www.aber.ac.uk/cy/vet-sci/applicant-supplementary-questionnaire)



### Gofynion profiad gwaith:

Cyn gwneud cais, dylech fod wedi cyflawni o leiaf 70 awr o brofiad gwaith (cyflogedig neu wirfoddol) mewn un neu fwy o filfeddygfeydd a 70 awr mewn amrywiaeth o amgylcheddau anifeiliaid (nid yw hyn yn cynnwys eich cartref, busnes teuluol, na bod yn berchen ar anifeiliaid anwes), a rhaid i 35 o'r oriau hynny fod yn gysylltiedig ag anifeiliaid fferm neu geffylau. Rhaid i'r profiad gwaith gael ei gyflawni yn y cyfnod 18 mis yn union cyn y dyddiad cau i gyflwyno cais.

# Nyrsio Milfeddygol

FdSc | D31F | 3 mlynedd

Ar ein cwrs gradd sylfaen Nyrsio Milfeddygol, byddwch yn astudio pynciau'n gysylltiedig ag iechyd anifeiliaid a rheoli anifeiliaid yng nghyswllt anifeiliaid bach (cŵn, cathod, mamaliaid bach) a cheffylau, yn ogystal â chyfeirio ychydig at anifeiliaid mawr. Ni yw'r unig ysgol filfeddygol yng Nghymru (Ysgol Milfeddygaeth Aberystwyth), ac mae gennym adnoddau rhagorol i gefnogi eich astudiaethau, gan gynnwys labordy sgiliau clinigol, labordai ymchwil ac anatomeg, ffug-glinig milfeddygol, canolfan geffylau ar gyfer dysgu, a ffermydd y brifysgol. Mae'r cwrs yn cyfuno dysgu damcaniaethol ac ymarferol, ac yn cynnwys lleoliad gwaith mewn milfeddygfa yn rhan annatod o'r cwrs.

Mae modiwlau ym mlwyddyn 1 a 2 yn gysylltiedig yn uniongyrchol â'r Sgiliau Diwrnod Cyntaf i Nyrsys Milfeddygol yn ôl Coleg Brenhinol y Milfeddygon (RCVS), er mwyn paratoi am flwyddyn o leoliad gwaith mewn canolfan hyfforddi cofrestredig. I ddechrau, bydd meysydd yn rhoi dealltwriaeth o'r cysyniadau sylfaenol sy'n gysylltiedig â nyrsio milfeddygol. Mae'r meysydd yn cynnwys iechyd anifeiliaid ac egwyddorion nyrsio milfeddygol. Caiff y rhain wedyn eu cymhwyso ym mhynciau blwyddyn 2, cyn dechrau ar leoliad gwaith am flwyddyn. Mae'r lleoliad yn dechrau hanner ffordd trwy flwyddyn 2 ac yn dod i ben ar ganol blwyddyn 3. Mae'r modiwlau olaf ym mlwyddyn 3 yn cynnwys dewis i ganolbwyntio naill ai ar nyrsio anifeiliaid egsotig neu anifeiliaid mawr, yn dibynnu ar y maes arbenigol yr hoffech weithio ynddo. Mae pwyslais hefyd yn y flwyddyn olaf ar arweinyddiaeth, nyrsio cymunedol, ac Un Iechyd.

Bydd un o'n lleoliadau hyfforddi cofrestredig yn darparu eich lleoliad gwaith, a bydd swyddog lleoliadau yn trefnu hyn i chi. Yn ystod y lleoliad gwaith, byddwch yn cwblhau log ar-lein o ddatblygiad eich sgiliau clinigol, sef Log Cynnydd Nyrsio. Yn rhan o ofynion trwydded ymarfer Coleg Brenhinol y Milfeddygon, byddwch yn cwblhau o leiaf 1800 o oriau ar y lleoliad.

## Cyflogadwyedd

Trwy gwblhau'r radd sylfaen yn llwyddiannus, byddwch yn gymwys i wneud cais i gofrestru gyda'r RCVS yn nyrs filfeddygol gofrestrdig (yn amodol ar ganlyniad yr achredu). Fel nyrs filfeddygol gofrestrdig, byddwch yn gymwys i weithio mewn milfeddygfa gyffredinol, ysbytai atgyfeirio, elusennau sy'n darparu gwasanaethau milfeddygol, labordai, diwydiannau fferyllol, ac mewn lleoliadau lle ceir casgliadau anifeiliaid er enghraifft parciau sŵolegol. Cydnabyddir Achrediad RCVS mewn llawer o wledydd trwy ACOVENE. Byddwch hefyd yn gallu parhau â'ch astudiaethau trwy ychwanegu BSc neu Dystysgrif RCVS mewn Nyrsio Milfeddygol Uwch.



## Rhestr o fodiwlau

### Y flwyddyn gyntaf:

- Professional Practice
- Anatomy and Physiology
- Animal Health and Management
- Principles of Veterinary Nursing
- Principles of Diagnostic Techniques
- Preparing for Placement

### Yr ail flwyddyn:

- Principles of Pharmacology and Anaesthesia
- Medical Nursing and Critical Care
- Surgical Nursing
- Lleoliad Gwaith

### Y flwyddyn olaf:

- Applied Veterinary Nursing
- Nursing of Exotics NEU Nursing of Large Animals
- One Health for Veterinary Nurses

## Ffeithiau Allweddol

**Cynnig nodweddiadol:**  
**Pwyntiau tariff UCAS:** 96  
**BR:** 26 gyda 5 pwynt mewn Bioleg ar Lefel Uwch

**Asesu:** Mae pob modiwl ym mlwyddyn 1 a 2 yn cynnwys asesiad trwy arholiad, sy'n un o amodau'r RCVS. Mae gan bob modiwl elfen waith cwrs, fel arfer 50% o'r pwysiant.

**Teithiau/gwaith maes:** Oes

**Gwybodaeth bwysig:** Mae'r cwrs hwn wedi'i achredu dros dro gan yr RCVS

# Ymchwil

Ymchwil barhaus yn Ysgol Gwyddorau Milfeddygol Aberystwyth.

Mae ymchwil yn rhan bwysig o'r byd academiaidd ac, er mai dim ond pedair mlwydd oed ydyw, mae academyddion yr ASVS yn gwneud effaith sylweddol wrth ymchwilio i faterion pwysig, yng Nghymru a thramor. Dyma restr fer o'r hyn rydym ni'n ei wneud:

## Ymwrthedd gwrthficrobaidd (AMR)


Mae AMR - lle nad yw pathogenau bellach yn ymateb i feddygiaethau - yn un o'r problemau iechyd cyhoeddus mwyaf byd-eang ac mae'n cael ei ystyried yn gyfrannwr mawr at filiynau o farwolaethau bob blwyddyn. Mae trin anifeiliaid yn ffactor o fewn hyn felly rydym yn ymchwilio i sut y gallwn sicrhau bod gwrthficrobau yn cael eu defnyddio yn y ffordd orau bosib, mewn anifeiliaid anwes ac ar ffermydd.

## Metabolomeg a Microbiomau

Rydym yn defnyddio'r technolegau diweddaraf i archwilio byd yr organebau sy'n byw y tu mewn i anifeiliaid a'r newidiadau biocelegol sy'n gysylltiedig â chlefydau, fel y gallwn ddeall yn well sut mae gwneud diagnosis a rheoli haint.

## Ffermio Da Byw Trachywir

Rydym yn archwilio sut y gellir defnyddio technoleg ar ffermydd i wneud y gorau o iechyd, lles a chynhyrchiant anifeiliaid, er enghraifft, sut y gallwn ddefnyddio deallusrwydd artifisial (AI) i ganfod mamogiaid sydd ar fin wyna.



## Iechyd Adar

Rydym yn edrych ar effaith pathogenau mewn pengwinaid Affricanaidd, eryryod a fwlturiaid sydd mewn perygl. Yn agosach at adref, rydym hefyd yn edrych ar ba afiechydon sydd i'w cael o fewn rhai o'n rhywogaethau mwy cyffredin, megis y drudwy a'r wylan penwaig, ac os yw'r rhain yn peri risg i bobl.

## Iechyd Cyfunol

Rydym yn defnyddio dulliau Iechyd Cyfunol i ymchwilio i sut y gellir gwella rheoli clefydau milheintiol mewn gwledydd nad oes ganddynt yr adnoddau i fynd i'r afael â nhw.

## Hyfforddiant myfyrwyr

Mae hyfforddiant myfyrwyr - mewn gwyddor filfeddygol a nyrsio milfeddygol - wedi elwa o ddatblygiadau mewn technoleg a dulliau addysgu. Rydym yn ymchwilio i sut y gallwn optimeiddio profiad ac addysg myfyrwyr trwy ddefnyddio "modelau" anifeiliaid ac mewn asesiadau ymarferol (yr hyn a elwir yn "OSCES"). Rydym hefyd yn archwilio'r ffordd orau o ddefnyddio modelau 3-D ac arloesi digidol ar gyfer addysgu anatomeg.

## Beth sydd mewn pellen pen-glin?

Llawer yn ôl pob tebyg! Rydym yn edrych ar ystod o rywogaethau i ddeall esblygiad y bellen pen-glin fel "switsh gêr", gyda chymhwysiad i lawfeddygaeth ddynol neu brosthetig, a datblygu roboteg.

# The application process

## 1 Gwnewch gais trwy UCAS.com

Gwiriwch y dyddiad cau UCAS ar UCAS.com.  
Cod sefydliad Prifysgol Aberystwyth ar gyfer yr FdSc: A40.  
Cod sefydliad ar gyfer y BVSc yw'r cod RVC: RVET R84.

**COFIWCH:** Cewch rif UCAS 10 digid. Cadwch hwn wrth law oherwydd gofynnir am y rhif nifer o weithiau.

## 2 Bydd y Brifysgol yn ystyried eich cynnig

**COFIWCH:** Defnyddiwch Hwb UCAS i gadw llygad ar eich cais.

## 3 Bydd y cynnig i'w weld ar Hwb UCAS

Bydd penderfyniad y Brifysgol yn cael ei ddangos ar Hwb UCAS - os ydych wedi derbyn cynnig, fe fyddwch yn gallu gweld pa raddau sydd angen arnoch i sicrhau eich lle.

## 4 Penderfynwch ble i fynd

Pan fyddwch wedi cael eich holl gynigion, bydd angen i chi benderfynu i ba brifysgol yr hoffech fynd, o fewn amser penodol. Dyma pryd y bydd angen i chi nodi pa brifysgolion fydd eich dewisiadau Cadarn ac Wrth Gefn.

## 5 Llety

Pan fyddwch wedi gwneud eich dewis Cadarn/Wrth Gefn gallwch wneud cais am lety.

## 6 Diwrnod y canlyniadau

Bydd Hwb UCAS yn dangos os yw eich lle wedi'i gadarnhau gyda'ch Dewis Cadarn. Os nad ydych wedi cael y graddau yr oeddech yn gobeithio, gallwch ystyried gwneud cais drwy Glirio.

## 7 Dechreuwch bacio!

Cofiwch gadw llygad ar eich e-byst am wybodaeth am eich diwrnod cyntaf a'r gweithgareddau croeso.



Canolfan Addysg Milfeddygaeth,  
Prifysgol Aberystwyth,  
Aberystwyth,  
Ceredigion,  
SY23 3FL

+44 (0)01970 621646

vet-info@aber.ac.uk



Wedi'u dylunio a'u cynhyrchu gan  
Marchnata Byd-eang a Denu Myfyrwyr,  
Prifysgol Aberystwyth 2026.



Argraffwyd ar bapur  
wedi'i ailgylchu 100%